

# !Tsínharhi!



¿Úachi ma jurhiani  
seguru irekani?



# ¡Tsínharhi!®

Vol. 4, núm. 3 2022 PURÉPECHA

Rebista mamaru jási formatu jimbo: 78,282,000

Jarhasti 208 IDIOMECHA jimbo

*¡Tsínharhi!* is published quarterly by Watchtower Bible and Tract Society of New York, Inc.  
© 2018 Watch Tower Bible and Tract Society of Pennsylvania.

Para MÉXICO KA CENTROAMÉRICA  
Congregación Cristiana  
de los Testigos de Jehová, A.R.  
Apartado Postal 895  
06002 Ciudad de México  
México

Exentaakajtsi lista ma iámindu  
direksionicha jingoni ixú  
[www.jw.org/tsz/nena-karani-o-uandani](http://www.jw.org/tsz/nena-karani-o-uandani).

## AMBE ENGA JATAKA

### 3 ANDISĪ NO SÉSI JÁNHASKUARHENI JAKI

¿Andichisĭ no seguru irekani jaki?

### 4 ¿ANDISĪ XÁNI ÚKUA JUKA?

¿Nénaksĭ uénakuarhiski uandanhiatecha?

### 6 AMBE ENGA UÉTARHIJKA PARA SÉSI PÉNTANI AMBE MA

Jatsisti para mítinhani nákisĭ ambakiti jángue

### 8 ÚSTIKSĪ MÓJTAKURHINI

Ricardo ka Andrés

### 10 GOBIERNU MA ENGA SÉSI PÉNTAACA AMBE MA

“Méntkisĭ pínandikua jauati”

### 12 NA ENGA SÉSI NIÁNTAACA AMBE MA

Tata Diosĭri Reinu úati eska kánikua  
pínandikua jauaka

### 16 ¿Ménisĭjtsĭ kurhamarhikuariski?



¿Uékasĭntsĭ mĭteni sánderu ambe o  
parajtsĭ gratisi jorhenguarhini Biblieri  
ambe chaari k'umanchikuarhu?

Exe je [www.jw.org](http://www.jw.org)

o karachejtsĭni je ma indeni  
direksionicha jimbo engaksĭ  
karhakua jaka.

Arĭ publikasĭoni jĭndesti para jorhenguarhini Biblieri ambe, ka ánychikuarhita máesti enga úkuarhejka iámindu parhakpinirhu, jarhuatakuarhiparini imani tuminani jimbo engaksĭ k'uĭripuecha ĭntspĭjka tsĭpĭkua jingoni. I publikasĭoni no ataranhantásĭndi. Engajtsĭ uéjka ĭntspĭni sáni tumina, exe je [donate.jw.org](http://donate.jw.org). Enga no karakata jauaka máteru ambe, tekstuecha karakata griegaecheri p'ĭtakataksĭ jarhasti Bibliarhu *Jimbarĭ Eiatsperakua Tata Jesukristueri* ka ĭstu *Táta Díosĭri Uandakua Tata Jesukristueri Aiatsperakua (TDU)*, (tsimarhanksĭ iásĭ anapu karantskatani jimbo). Tekstuecha karakata ebraecheri p'ĭtakataksĭ jarhasti Bibliarhu *Traducción del Nuevo Mundo de las Santas Escrituras (TNM)*, 2013 ĭnglesi jimbo.

## ¿Andichisī no seguru irekani jaki?

“Iāsī anapu k’uiripuechaksī jatsikuarhisti teknoloģia ambe, sānderu informasioni ambe ka sānderu tumina ambe, ambe ma enga no mēni úkuarhini japka [...]. Peru jamberiksī iāsī anapuecha jindeti engaksī orheta úni jaka eska no sēsi jānhaskuarheaka parhakupinirhu”.

(Informe Global de Riesgos 2018 del Foro Económico Mundial).

**¿ANDIKSĪSĪ K’UIRIPUECHA ENGAKSĪ JĀNHASKATIKA UANDANHIANI JAKI AMBE ÚKUARHIA SÁNDERU ORHEPANI IMECHA JINGONI KA ÍSTU ECHERI JINGONI? JU JE EXENI MÁRU UANDANHIATECHANI ENGACHI NITAMANCHAANI JAKA.**


**NO SĒSI ÚRICHIA INTERNETIRHU.** Australia anapu periodiku ma uandasīndi: “Interneti, lugari máesti nani engaksī tsitijka jarhani imecha engaksī sapiichani ísku ambe ma úkuajka, engaksī chérpini jámajka, k’uiripuecha engaksī karhatajka ambe ma nomasi paraksī ikiatpini oksī no sēsi útpini ka imecha engaksī programechani xereajka. Imecha engaksī máteru nimeri informasioni úrajka para sīpani ambe ma, jindesti ambe ma enga sánhani arhini jaka no sēsi úkuarhini interu parhakupini [...]. Interneti úsīndi eskaksī k’uiripuecha xarhataaka na engaksī xāni no sēsi jámajka ka no sēsi úrini”.

**MÁRUKSĪ SÁNDERU POBRIXATI KA MÁTERUECHAKSĪ SÁNDERU RIKUENI.** Informi ma enga apenasi uéraka grupueri ma enga úkata jaka para pobrichani jarhuataani, uandasīndi eskaksī 8 k’uiripuecha engaksī sānderu rikueka, májku k’ériksī, xāni jatsikuarhiska eska terojkani jamberi k’uiripuecha engaksī sānderu pobrika Parhakupinirhu. Informi uandasīndi eska tumina no sēsi úranhaxaka jimboka ima namunitu k’uiripuecha engaksī sānderu rikueka sánhani arhixatiksī sānderu rikueni ka pobricha sānderu pobrini. Máru k’uiripuechaksī chésīndi enga i ambe úkuarhini jaka jimboka úaka uarhiperakua ambe jarhani.

**UARHIPERAKUA KA NO SĒSI KÁMBERAKUA.** Informi ma 2018 anapu de Agencia de las Naciones Unidas para los Refugiados uandaspti: “Iásīksī sānderu uāninhastia engaksī máteru nanisī nirajka irekani”. Jukari 68 miioni k’uiripuechaksī jurajkuastia imecheri k’umanchikuechani, uarhiperakuecha jimbo ka no sēsi káمبرakua. Informi seguirisīndi uandani: “Mándani tsimani segundu jimbo, ma k’uiripu jatsisīndi para sīpakuarhini”.

**K’UIRIPUECHAKSĪ NO SĒSI ÚKUXATI ECHERINI.** Informi ma 2018 anapu, uandasīndi eska “mámaru jási plantecha ka animalichaksī sóntku niáxaxaka k’amakurhini, [...] ka enga tarhiata nóteru ambakikia ka mari no sēsi jájkunhani jarhani, jindesti ambe ma enga sānderu no sēsi úkuni jaka k’uiripuni”. Ka máteru ambe, máru paisicharhu animal sapirhaticha engaksī karajka (insectos) k’amakurhixatiksī. Ka engaksī no jauaka i jarhati animalicha, plantechaksī no úati frutu jukani, imecha engaksī inbestigasioni ambe újka, uandasīndiksī eska jamberi iámindu ambe enga Echerirhu andarajka, k’amakurhiaka.

¿Úachi mójtakuni ambe ma paraka i parhakupini sānderu segurueuaka? Máru k’uiripuechaksī uandasīndi eska ambe enga uétarhijka jindeska jorhentperakua ambe. Enga ísika, ¿na jási jorhentperakua? Máteru pájinecha jimbochi mókuntani jauaka ini ambe.





¿ANDISĪ XÁNI ÚKUA JUKA?

## ¿Nénaksĭ uénakuarhiski uandanhiatecha?

¿Exesĭntsĭ eska ma jurhiani k'uiripu sési péntaaka uandanhiatechani engaĭtsĭni no sési p'ĭkuastajka ka enga újka eskachi no seguru irekaaka? Parachi sési péntaani juchari uandanhiatechani, jatsiskachi para mítini nénaksĭ uénakuarhiski.

Ju je ejemplu ma jatsikuni. Achati ma enga Tom arhinhajka p'amenchasĭndi ka uarhini. ¿Andisĭ uarhi? “Enga uénapka no sési p'ĭkuarherani, no nema exespti ambe jimbošĭ no sési p'ĭkuarherani japi”, ísĭ karaspti ospitalirhu anapu doktori enga Tom níara-pka antede uarhini. Peringa imecha engaksĭ uénakuarhu atenderipka, soluksĭ sĭpiati íntskuspka para nóteru xáni no sési p'ĭkuarherania.

Inde ambe úkuarhixati k'uiripuecheri uandanhiatecha jingoni. Por ejemplu, para úni eska nóteru jauakia no sési úricha, gobiernuechaksĭ leichani uaxastaasĭndi, kamarechani paraksĭ kuidarpini ka sánderuksĭ uáni polisiauechani jatsiani. Nájkiruka i ambe jarhuajpijka, nóksĭ sési péntasĭndi problema: ambe engaksĭ tsitijka, na engaksĭ jámajka ka ambe engaksĭ jakajkujka k'uiripuecha, inde ambesĭ manataajti paraksĭ úni ambe ma.

Daniel, enga paisirhu ma irekani jaka jini Sudamérica enga kánikua pobrinhaka, uandasĭndi: “Sésichi irekaxapka. Nochi chésĭrenga jimboka no jánhasĭrenga sĭpatsperanhani, peru nóteru nani seguruestia para irekani. Enga ísĭ no sési jánhaskuarheni jaka paisirhu, xarharasĭndi na engaksĭ uánikua k'uiripuecha jukari uékajka jatsikuarhini ka nóksĭ janhanharhini k'uiripuecheri tsípikua ni ambe engaksĭ jatsikuarhika”.

Elías enga Oriente Medio irekapka ka enga jini uératini sĭpakuarhipka jimboka jima uarhipera-kua ma jarhaspka, ka enga ísĭ tátsekua Jeobaeri testigu úkuarhika, uandantasĭndi: “Nani engani



Paraka sĭpiati ma marhuauaka, jatsisti para k'amajkuni p'amenchakuani, no solu ma ratu sési p'ĭkuastpintani.

irekaka, familiecha, politika ka relijioni, afuersa uékasĭrendi eskaksĭ tumbiicha guerrearhu nipiringa ka ísĭksĭ k'éri ambe exenhani. Ka imecha engaksĭ jingoni uarhiperapiringa májkuenksĭ ambe úsĭrendi. Kuenta íntskukuarhispka eska no marhuasĭnga mintsikani k'uiripuecheri juramukuani”.

### Exe je ambe enga uandajka Biblia:

- “K'uiripueri mintsita desde sapichku uénasĭndi no sési ambe uékani úni” (Génesis 8:21).
- “Mintsita sánderu enganiarpisĭndi eska ambe uéjki, ka sóntku uékasĭndi ambe ma. ¿Né úa mítini?” (Jeremías 17:9).
- “Jimboka mintsitarhusĭ uérájka no sési járhati eratsikuecha komueska para uándikpini ka ísku jándi úkuarhini [...] sĭpatspini ka chkuan-derakua ambe k'amanharhitpintani ka xukajchpini” (Mateu 15:19).

K'uiripuechachi no úsĭnga juchari no sési járhati p'indekuechani k'amajkuani. Sánderu no sési jánhaskuarhixatia, ísĭ eska na xarharajka imani problema jímbo engachi antesĭ exeakia (2 Timoteo 3:1-5). Ka nájkirukachi íásĭ sánderu informasĭoni jatsikia ka engachi újka uandontskuarhini mámaru ambe úraparini. Ini ambe jimbo, ¿andichisĭ no újki seguru irekani ka pínandikua jingonĭ? ¿K'uiripu no ménĭ úa úni eskachi seguru irekaaka ka pínandikua jingonĭ? ¿Úachi ísĭ irekani?

### ¿UÉKAXAKICHI ÚNI AMBE MA ENGACHI NO ÚAKA ÚNI?

Nájkiruka milagru ma úkuarhipiringa ka únchi mójtakuani k'uiripueri no sési járhati p'indekuechani, i parhakupini seguirini japirindi lugari máeni enga no seguruepĭringa. ¿Andi? Jimbokaksĭ k'uiripuecha no úsĭnga úni íámĭndu ambe.

Biblia uandasīndi “eska k’uiripu no sésikua jatsiska [...] para xanharakuarhini” (Jeremías 10: 23). Jo, nochi kueranhaska parachi jandiajku orhepani uérani, ísī eskachi na no kueraanhaka parachi úni ítsīrhu irekani.

Por ejemplu, ¿exesíntsi eska k’uiripu tsitisīnga eskaksi máteruecha arhiaka néna irekani o na já-rhati jánguechani jatsiani? ¿O nénaksi jatsiski para exeni abortuni o néna t’arhexeraani sapiichani? Íksi jindesti solu máru ambe engaksi k’uiripuecha mámaru ambe eratsijka. Jiájkani, ambe engu Biblia uandajka ísīsti. Juchachi no úaka, nichí sésikua jatsi parachi jandiajku orhepani uérani. Jimajkani, ¿néjtsīni úa jarhuatani?

Mókuntskua jindesti, Tata Diosí, jimboka ima jindeska juchari Kuerajpiri. Ka miáxatijsīni, no ísīsti eskajtsīni mirikurhiskia. Bibliaeri ambarhati konsejuechajtsīni xarhatachisīndi na engu xáni uandanhajka juchantsīni jimbo. Sési kurhanguni ini ambakiti libruni, jarhuatasīndijtsīni exeni ambe engachi újka úni ka ambe nómba ka kurhanguni andichisī no újki sési irekani. Alemania anapu jánhaskati ma uandaspti: “Nasionicha ka gobiernuechaksi no ma ambe úsīndi jorhenguarhini ambe engu xáni úkuarhikia tiempu jingoni, jimboksīsī no újti mójta-kurhini”.

### BIBLIAERI KONSEJUECHAJTSĪNI KUÁJCHAKUSĪNDI

Jesusi, Tata Diosíri Uájpa, uandaspti eska ‘mímixekua jánguarhu xarhatanhasīnga’, o sea, eska úkuecha jingoni xarharasīnga (Lukas 7:35, TDU). Ju je exeni ejemplu ma. Isaías 2:22 arhisīndi: “Chíti sési jimbo, así mintsika achatini ma”. I konsejujtsīni jarhuatasīndi no isku jatini mintsikani o erokuarhini

jarhani ambe ma engu k’uiripu no úaka úni. Kenneth, engu Norteamérica irekaka, nani engaksi uánikua no sési úricha jaka, uandasīndi: “Iámindu politikuechaksi aiatspesīndi eskaksi sési péntaka ambe ma, peruksi no úsīndi. Engaksi ísī no újka, xarharasīndi eska ambe engu Biblia uandajka jurhimbikueska”.

Daniel, engachi uénakuarhu uandaka, karasti: “Pauani pauani sánderu seguru jarhasīnga eska no ma k’uiripu úaka ambakiti juramuti máeni. Bankurhu jatsirini jarhani tumina o engajtsī áñchitani jauaka tuminani, no arhikuekasīndi eskajtsī méntkisī sési jauaka. Mítiaska máru k’uiripuechani engaksi no erokuarhiengu eska xáni no sési nikuapiringa”.

Biblia no solu úsīndi eskachi no mintsikaaka imani ambe engu no úkurhiaka, sinojtsīni íntskusīndi erokuarhikua ma, eskachi na exeni jauaka sánderu orhepani.



Nochi kueraanhaska parachi jandiajku orhepani uérani, ísī eskachi na no kueraanhaka parachi úni ítsīrhu irekani.

## Jatsisti para mítinhani nákisí ambakiti jángue

Eskuelarhu anapu biajirhu ma, tumbiichaksí máru arhinhaspti eskaksí ikichakueni jásí ambe úkuspa kompanieruni ma. láminduksí ambakiti eskuela ma jimbo estudiarixapti jini Canadá. Enga i ambe úkuarhipkia: Leonard Stern, ari ambe karaspti periodikurhu *Ottawa Citizen*: “Jánhaskakua, estudiuecha o rikueni no úsindi eskaksí tumbiicha no no sési ambe úaka”.

Stern útasí karaspti: “Ambe engaksí táticha sánderu jukaparharapiringa jindesti jorhendaani imeri sapiichani ambe enga sési jaka ka ambe nómbé. Peru ambe enga sánderu uandaniataajka uánikuechani, jindesti eskaksí imeri sapiicha ambakiti kalifikasionichani jatsiauaka ka eskaksí ambakiti ánichikuarhita ma jatsiaka”.

Ísísti eska jukaparhakueska estudiarini, peru jorhentperakuecha eskuelarhu anapu, na uéjki xáni ambakítini, no jarhuatasíndi k’uiripuni ma paraka no no sési jásí ambe tsitiaka o no no sési ambe úni. ¿Náki jorhentperakuajtsíni úa jarhuatani parachi ambakiti ambe úni?

### AMBAKITI JORHENTPERAKUA MA

Biblia ísísti komu espeju ma. Engachi arhintajka, úsíngachi exeni ambe engachi no újka sési úni ka ambe engachi újka úni ka ambe nómbé (Santiago 1:23-25). Ístujtsíni Biblia jarhuatasíndi parachi mójtakurhini ka parachi ambakiti k’uiripueni, sési kámpini, tekaantstini, p’íngukuarhini ka parachi uékpini, i ambe úsindi eskachi májku k’éri jauaka ka pínandikua jingoni. Jo, Biblia arhisíndi eska uékperakua “jindeska enga újka májku úantani iáminduechani” (Kolosasi 3:14). ¿Ambe úsini eska uékperakua xáni jukaparhakueuaka? Exe je ambe engarhijsa Biblia uékperakuéri ambe.

- “Ima engu uékpijka, tekaantasíndi ka sési útsipini, no embidiarpisíndi ka nójtu uékasíndi eska k’éri ambe exenhaaka ka níjtu méni teparakuarhini. Ima engu uékpijka, no úsindi ambe engu no sési p’ikuastpijka,

ka no uékasíndi imeri ambejku, ka níjtu sóntku no sési exeni engu máteruecha újka, ka nójtu pakarasíndi ikiatsipini. Ima engu uékpijka, no tsípisíndi engu nema no sési újka, solu engu nema jurhimitku jámajka. lámindu ambe tekaantasíndi, [...] uinhapi-kuarhisíndi para úni tekaantani. Uékperakua no méni k’amara[síndi]” (1 Korintu 13:4-8).

- “Engu nema uékajka máteruni, no úsindi no sési úkuni” (Roma 13:10).
- “Engu sánderu uétarhijsa, jindesti eskajtsí kánikua uékperaaka, jimboka ima engu uékpijka puátspiantasínga uánikua pekaduechani” (1 Pedru 4:8).

¿A no eskachi sési p’ikuarherasínga ka seguru, engachi imechani jingoni jarhajka engajtsíni uékajka? Jimboesti jimbokachi mítiska eskaksí imecha ambakiti ambe uékasínga para jucha ka eskajtsíni no méni no sési ambe úchiaka.

Uékperakua jimbo, ístuchi úsínga imani ambe engu úkua jukajka ka mójtakuanchi juchari p’indekuechani. Por ejemplu, acheeti ma engachi George arhiraaka, kánikua uékaxapti imeri nimakua jingoni jarhani engu apenasi andajpenupka. Peru problema jindespti eska George kánikua itsutásirenga, ka imeri tarhamba no uékasírendi eska charhaku japarini itsutapiringa. ¿Ambe úspti George? Nájkiruka sinkuenta uéxurhini páni japkia itsutani, jurajkuspti imani ambe para úni imeri nimakua jingoni jarhani. ¿Ambe engu xáni újka nema uékperakua jimbo!, ¿a no?



## JUKAPARHAKUA AMBE

BIBLIA ÚSĪNDI ÚNI IMANI  
AMBE ENGA ESKUELARHU ANA-  
PU JORHENTPERAKUA NO ÚJKA  
ÚNI: ESKACHI AMBAKITI JÁNGUE-  
CHANI JATSIAUAKA KA ESKACHI  
MÍTIACA TATA DIOSĪNI

Táticheri ejemplu jimbo, jorhendaasĩndiksĩ  
imeri sapiichani nena xénchpini.

Uétarhisĩndi jorhenguarhini xénchpini, ka tátichaksĩ jin-  
destĩ engaksĩ sánderu sési jorhendaauaka imeri sapiichani  
nena xénchpini. T'ireraasĩndiksĩ, kuájchakuani ka jarhuataa-  
sĩndiksĩ engaksĩ atakuarhijka o p'amenchani. Ambakiti táti-  
chaksĩ uandontskuarhisĩndi imeri sapiicha jingoni ka jo-  
rhendaani. Ístuksĩ jurhimberantaasĩndi ka exeraani nénaksĩ  
úa mítini ambe sési jarhaski ka ambe nómbe. Ka jánguarhi-  
sĩndiksĩ ambakiti ejemplu ma íntsaani.

Peru máru tátichaksĩ no úsĩndi imecheri ánychikuarhita,  
xáni no sési ambe. ¿Arhikuekasĩni i ambe eskaksĩ sapiicha  
no ménĩ úaka ambarhati k'uiripueni? Nómbe. Asta uánikua  
engaksĩ imani familiarhu t'arhexeka engaksĩ no márku jaka,  
ústiksĩ mójtakurhini ka niárustiksĩ k'uiripuecheni engaksĩ  
sési kámpijka ka ánychikuarhirini. Asta imecha engaksĩ k'ui-  
ripuecha ísĩ exeauenga eskaksĩ nóteru úpiringua sési nián-  
tani, ústiksĩ mójtakurhini, ísĩ eskachi na exeaka sánderu  
orhepani.

**Bibliajtsĩni jarhuatasĩndi parachi  
ambakiti k'uiripueni, sési kámpini, ka  
sánderu jukaparhakua ambe, parachi  
xénchpini**

## NÓKSĪ IÁMINDUECHA MÓJTAKURHIATI

Biblia jurhimbitku uandantasĩndi  
eskaksĩ máru k'uiripu no sési  
úrhiba méntku no uékaaka  
mójtakurhini. Daniel 12:10 uan-  
dasĩndi eskaksĩ no sési úrhicha  
seguirini jauaka no sési jási  
ambe úni. ¿I ambe arhikuekasĩni  
eskachi no ménĩ úaka seguru ire-  
kani? Enga k'uiripueri jájki jimbo  
japiringa parachi sési irekani, no-  
chi jatsipiringa erokuarhikua,  
peru eskachi na exeaka, úakachi  
sési irekani sánderu orhepani.

## Ricardo ka Andrés

Jorhentperakua enga Bibliarhu jupindaskuarhijka, úsindi eskaksĭ k'uiripuecha sánderu sési irekaaka. Ju je exeni na enga jarhuataka Ricarduni ka Andrésini.



**RICARDO.** Engani 15 jatiripkia, no sési úricha jingoni kúnguarhispka. Komu iatiru sapichuepka, juchiti amiguechajtsĭni pájtimaspti no sési ambe niátani. Asta jamberini uékasĭrenga diesi uéxurhini kárselirhu jarhani. Ísĭ xarharasĭndi enajkini ísku ambe ma eratsini japi, peru jimesĭ engani irekapka, janhanharhiasĭrendiksĭ ka k'éri ambe exeani imechani engaksĭ niárapka ónhakata jarhani. Ji uékasĭrenga ísĭni eska imecha.

Ísku jándikua ambe niátasĭrenga, droga ambe úrani ka no sési kámpini. Ma chúri, balasera ma jimbo partisiparispka. Eratsispka eskajtsĭni uándikupiringa, peruni úspka sĭpakuarhini. Jiájkanĭ uénaspka sési eratsintani na engani irekani japka ka ambe engani uékenga úni. Eratsispka mójtakurhini, peru ¿néna úpirini ísĭ úni? ¿Nérini úpirini jarhuatani?

Sáno lámindu juchiti familiarichaksĭ uánikua proplemechani jatsiaspti ka nóksĭ felisispti, peru juchiti tíueri familia ma kánikua ménderuenispti. Mítispka eskaksĭ ambakiti k'uiripuechespka ka eskaksĭ úsĭrenga ambe enga Biblia jorhentpijka. Imajtsĭni arhispti eska Tata Diosĭ, Jeoba arhinhasĭnga. Ísĭ no ióni jimbo enga balasera úkuarhipka, kómarhispka Jeobani imeri nombri úraparini ka kurhakupka eskarini jarhuatapinga. No úsĭrenga jakajkuni enga ísĭ pauandikua Jeoba

baeri testigu ma kústapka juchiti puertarhu. Uénaspka jorhenguahini Bibliaeri ambe ima jingoni.

No ióndaspka problema ma jatsini. Telefonu jimbojtsĭni uandajpasĭrendi imecha engani antesi kúrhiauenga parani imecha jingoni nirani. Nájkiruka no fásilipka, arhiaspka eska nómbre. Eratsitixapkia seguirini Bibliaeri ambe jorhenguahini, ka kánikua tsĭpisĭnga engani ísĭ úka. Ísĭ máteru jási k'uiripu máeskia ka meru felisiska.

Ji uékasĭrenga diesi uéxurhini kárselirhu jarhani parajtsĭni janhanharini imecha engani jingoni kúnguarhienaga. Jimbosĭni kurhakupka Tata Diosĭni eskani úpiringa sikiera diesi uéxurhini jarhuataani máteruechani Biblia jingoni, ísĭ eskajtsĭni na jarhuataka jĭndeni. Tata Diosĭ mókuntasti juchiti kómarhikuani, jimbokani diesisiete uéxurhini paxakaia inde ambe úni. Ka ambe enga sésika, no méni niáraska kárselirhu jarhani.

Uánikua imecha engani antesi kúriaguenga, iónksĭ páxatia kárselirhu ka máteruksĭ uarhistia. Kánikua sési exeasĭnga juchiti familiari Testiguechani engaksĭ uékapka ménderueni irekani ka úni ambe enga Biblia jorhentpijka. Sánderu janhanharhiasĭnga imechani ka eska náki uéjki máteru nemani engani antesi kúrhiauenga. Peruni sánderuni agradaserikusĭnga Tata Diosĭni engarini jorhendakana néna sánderu sési irekani.



## JUKAPARHAKUA AMBE

BIBLIA ÚSĪNDI JARHUATAANI IMECHANĪ ENGAKSĪ KAXUMBIKUA JINGONI JÍÓKUARHIJKA ESKAKSĪ JATSISKA PARA MÓJTAKURHINI KA UÉKANKSĪ ÍSĪ ÚNI. UÁNIKUAKSĪ EXESTIA ESKA BIBLIA JARHUAJPISĪNGA



**ANDRÉS.** Ima lugari jimbo andajpenuska ka t'arhexeni nani enga pobrinhaka, enga droga ambe úrahajka, uándikperanhani, sĭpatsperanhani ka ísku jándikua ambe únhani. Juchiti táti kánikua kauisĭrendi ka kokaina ambe úrani. Juchiti nándi ka táti, méntkuksĭ no sési arhipperani jarhasĭrendi ka atajperani.

Sapichkuni uénaspka kauini ka droga ambe úrani. Puru xanharu jimbo jámasĭrenga, sĭpani ka atarantani ambe engani sĭpenga. Ísĭ íóni jimbo, juchiti táti seguni uékasĭrendi sési pájperani jĭndeni jingoni, peru no sési ambe úspti jimbokarini jorhendaspa néna inchaatani droga ambe ka máteru ambe enga no sésikua japka para úrakuarini paisurhu para tátsekua atarantani. Sóntkuni kánikua tumina andaspka. Ma jurhiatikua polisia niáraspti juchini. Jupikasptiĭtsĭni ka arhinaspka eskani sinku uéxurhini ónhakata japiringa jimbokani uékaspa uándikpini.

Tsípa ma jimbo, iáminduecha engachi ónhakata japka, pĭmarhinhaspkachi parachi Jeobaeri testiguecha jingoni exeni Bibliaueri ambe, ka niraspa. Ísĭspti ambe engaksĭ Testiguecha uandapka, jimbosĭni jíókuarhipka Bibliaeri ambe jorhenguarhini. Testiguechajtsĭni jurhimbitku aianguspti ambe engaksĭ arhijka Tata Diosĭri juramuecha engaksĭ Bibliarhu jaka.

Sóntkuni kuenta íntskukuarhispa eskani uétarhinchapiringa jarhuajperata parani úni mójtakurhini, ka sánderia engani exepka eskajtsĭni máteruecha engaksĭ ónhakata japka, uénaspka chérani, jimbokaksĭ no uékasĭrenga eskani Bibliaeri ambe jorhenguarhipiringa. Uinhapikua kurhakuspka Jeobani ka jánhaskakua. Indeni ambe jimbo, úspka exeni ambe úni ka aianhpini ambe engani jorhenguarhini japka.

Engani uéntapkia kárselirhu, xáni chéxapka engani jamberi uékenga útasĭ jima pakarani ma tiempu. Engani uéntani japkia, máru engaksĭ ónhakata japka, jājki manataparintsĭni uandanuntaxapti. Astajtsĭni máru arhispti: “Niia níntani jorhentpiri sapichu”.

Chésĭnga eratsini na engani irekani japiringa engani no jurajkupiringa eskarini Tata Diosĭ arhistachipiringa. Kánikua diosmeiamukua íntskuntasĭnga na engarini xáni xénchajka ka norini ísku exeni.\*

\* Exeantauakajtsĭ máteru ejempluechani engaksĭ úka mójtakurhini, Bibliaeri jarhuajperata jingoni ixú jw.org. Exe je partini PUBLIKASIONICHA ka jirinhanta je partirhu temecha engaksĭ xáni jaka seksionini “Biblia jarhutaasti mójtakuni irekua”.

## “Méntkisí pínandikua jauati”

Naciones Unidas p’imarhiasíndi k’uiripuechani parakaksí jarhuajperaaka, eskaksí janhanharhiaka ambe engaksí k’uiripuecha sésikua jatsika para úni ka paraksí kuidarini planetani. ¿Andi? Jimboka eska na karapka Maher Nasser, rebistarhu *Crónica ONU*, “na enga mójtakurhini jaka klima, grupu k’uiripuecheri engaksí no sési ambe niátajka, engaksí máru k’uiripuecha sánderu rikueni jaka ka máru sánderu pobriní, problemecha engaksí no úni jaka sési pénhantani, engaksí uáni k’uiripuecha nirajka máteru nanisí irekani, no sési kámberhakua interu parhakpini, k’éрати p’amenchakuecha ka máteru no sési jásí ambe, iáminduechani no sési úkuasíndi”.

Jarhastiksí máru engaksí sánderu ambe uékajka úni, uékasíndiksí eska juramukua ma jauaka para interu parhakpini. I ambe uékasírendi úni Dante, Italia anapu enga filosofuepka, poeta ka politiku (1265-1321) ka Albert Einstein (1879-1955). Dante, uandaspti eskachi no méni úpiringa pínandikua jingoni irekani enga k’uiripu no májku k’éri japiringa politika jimbo. Tata Jesukristuéri uandakuechani máru úrapariani, uandaspti eska “enga ma nasioni anapuecha uarhiperaaka imechajkumindu, inde nasioni sóntku k’amaraa[ka]” (Lukas 11:17).

Ísí no ióni jimbo engaksí úraapka tsimani bomba atomikechani Segunda Guerra Mundiali jimbo, Einstein karta ma úspti para iáminduecha engaksí japka Asamblea General de las Naciones Unidas jimbo. Ari ambe uandaspti: “Naciones Unidas, jatsisti para sóntku úni ambe ma enga jarhuajpiaka ambakiti juramukua ma uaxastani para interu parhakpini enga úaka eska iápurisí jauaka seguridadi”.

Peru ¿ambejtsíni asegurarichisíni eskaksí polítikuecha inde xáni k’éri juramukuéri iámindu ambe jurhímbitku úpiringa, eskaksí úpiringa úni iámindu ambe ka nóksí k’éri ambe exekuarhini? ¿Nóksí ísípirini eska máteru juramuticha? I kurhamarhikuechajtsíni miátantasíndi ambe enga uandapka istoria-dori Gran Bretania anapu lord Acton: “No sési útspisíndi uinhapikua jatsini, ka k’amak’amasí uinhapikua jatsini, k’amak’amasí no sési útspisíndi”.

Peru parakaksí k’uiripuecha pínandikua jingoni irekaaka, jatsistiksí para májku k’éri jarhani. Peru ¿néna

úni indeni ambe? ¿Úa ísí úkuarhini? Biblia uandasíndi eska jo, eska níaraaka ísí úkuarhini. ¿Néna? No jindeuati juramukua ma jimbo engaksí k’uiripu imperfektuecha jauaka, sino gobiernu ma jimbo enga Tata Diosí uaxastaaka. I gobiernu xarhataati eska solu Tata Diosísi jatsiska para juramukuni ambe enga ima kueraaka. Biblia arhisíndi ini gobiernuni, Tata ‘Diosíri juramukua’ (Lukas 4:43).

### “JAUE IXÚ PARHAKPINIRHU CHÍTI JURAMUKUA”

Jesusi ini juramukuani arhikuekaxapti engu uandapka padrenuestro jimbo: “Jaue ixú parhakpinirhu chíti juramukua. Úkuarhie eska t’u na uékajka ixú parhakpinirhu” (Mateu 6:9, 10). Ísísti, Tata Diosíri Reinu, úati eska Echerirhu úkuarhiaka ambe engu Tata Diosí uéjka ka no ambe engaksí k’uiripuecha uéjka, engaksí no uandanhiajka máteruechani ka engaksí solu uinhapikua uéjka jatsini.

Tata Diosíri Reinu, ístu arhinhasíndi “auandarhu anapu reinu” (Mateo 5:3, *TNM*). ¿Andi? Jimboka nájkiruka parhakpini anapuechani juramukuauaka, no Echerirhu uératini juramuati, sino auandarhu uératini. Eranhaska je ambe engu arhikuekajka i ambe. I gobiernu engu interu parhakpinirhu juramuaka, no uétarhinchaati tumina ambe. ¡Xáni ambakiti ambe para imecha engaksí ini juramukuarhu irekaaka!

Ísí eska na k’uanijka jatsini *reinurhu* ma, Tata Diosíri Reinu jatsisti reini ma, ka jindesti tata Jesukristu.

# JUKAPARHAKUA AMBE

TATA DIOSĪRI REINU, JURAMUKUA MÁESTI ENGA TATA DIOSĪ UA-XASTAKA. INI REINUNI JIMBO IÁMU ECHERI IÁMINDUECHERIUATI KA K'UIRIPUECHAKSĪ MÁJKU K'ÉRI IREKAATI KA PÍNANDIKUA JINGONI

Tata Diosĭ íntskusti sésikua para juramuni. Biblia ari ambe uandasĭndi Jesusiri ambe:

- “Intsĭnhasti uinhapikua para juramuni. [...] Iápurisĭ úati juramuni ka méntkisĭ pínandikua jauati” (Isaías 9:6, 7, *Dios habla hoy*).
- “Intsĭnhasti uinhapikua, t’íntskua ka juramukua, parakaksĭ iretecha, nasionicha, ka mámaru jási idioma uandaricha iáminduksĭ imani marhuakupiringa” (Daniel 7:14).
- “Iámindu juramukua i parhakupini anapu, ju-chari Tateeristia ka imeri Mindakateri, ka ima juramuati para méntkisĭ” (Jañaskuecha [Apocalipsis] 11:15).

Tata Diosĭri Reinu úati eska úkuarhiaka ambe engu Tata Diosĭ uéjka úni ixú Echerirhu ka níaraati úkuarhini ambe engu uandajka padrenuestro jimbo. Jiájani, parhakupinirhu ambakiti irekua jauati, jimbokaksĭ iáminduecha jorhenguarihiakia kuidarini Echerini.


Ka sánderu jukaparhakua ambe, Tata Diosĭri Reinu jorhendauati k’uiripuechani. Iáminduenchaksĭ jánguarhintaati kumpliriuani juramukuechani. No uarhiperanhati ka májku k’eriksĭ jauati. Isaías 11:9 arhi-sĭndi: “Nóksĭ ma ambe útspiati, niksĭ no sési ambe úni [...] jimboka echeri meru uiniaka Jeobaeri mími-xekua ísĭ eska itsĭ na jaka marirhu”.

Iáminduecha engaksĭ Echerirhu irekaaka májku k’eriksĭ jauati ka pínandikua jingoni, ambe ma engaksĭ Naciones Unidas no úni jaka úni. Salmo 37:11 uandasĭndi: “Sésiksĭ p’ikuarheraati jimboka kánikua pínandikua jauaka”. Tátsekua, nóteruchi úrauakia arini uandakuechani komu *atajperakua ambe, no sési úkuni echerini, guerra ka pobresa*. Peru ¿káni úkuarhia inde ambe? ¿Káni uénaa juramuni Tata Diosĭri Reinu ixú Echerirhu? ¿Néna juramua? ¿Nénaksĭni úa marhuachini inde Reinu? Ju je exeni máteru pájinarhu.

## UÉKASĪRENDIKSĪ ESKA JURAMUKUA MA JAPIRINGA PARA INTERU PARHAKPINI



**Dante** uandaspti eskachi no méni úpirin-ga pínandikua jingoni irekani engu k’uiripu no májku k’éri japirin-ga politika jimbo.



**Einstein** uandaspti eska Naciones Unidas, jatsiska “para sóntku úni ambe ma engu jarhuajpiaka ambakiti juramukua ma uaxastani para interu parhakupini engu úaka eska iápurisĭ jauaka seguridadadi”.

## Tata Diosĩri Reinu úati eska kánikua pínandikua jauaka

Tata Diosĩri Reinu, juramukua engachi xáni ióni erokuarhikia, úati eskachi iáminduecha májku k'éri irekaaka ka pínandikua jingoni. Eska na aiatspijka Salmo 72:7, “kánikua pínandikua jauati” Parhakupinirhu. Peru ¿káni uéna jurhamuni Tata Diosĩri Reinu? ¿Néna juramua? Ka ¿nénaksĩni marhuchia chánkssĩni inde Reinu?

### ¿KÁNI JUUA TATA DIOSĨRI REINU?

Biblia t'uini uandasptia eska uánikua ambe úkuarhipiringa engá jindepiringa “mínda” ma eska Tata Diosĩri Reinu janoxakaia. Máru míndechaksĩ jindesti guerecha interu parhakupini, k'arhimakua, p'amenchakua ambe, k'éрати jenchekuecha ka eska k'uiripu sánderu no ambakupiringa (Mateu 24:3, 7, 12; Lukas 21:11; Apocalipsis 6:2-8, *TNM*).

Máteru profesia uandasĩndi: “Uétarhisĩndi eskari mítitini jauaka eska últimu jurhiatikuechani jimbo jauaka peligrú, jimboka jimajkanisĩ anapu k'uiripuecha solu pendiente pákuarhiaka para imechajkumindu sési uérani ka jukari jatsikuarhikuekanksĩ, [...] nóksĩ janhanharhiani táti jembechani, ka nóksĩ agradese-ritspini ka niksĩ janhanharhini Diosĩni. Nóksĩ uéauati imecheri k'umanchikuarhu anapuechani ka parienti jembechani, sino kurhurasĩnksĩ ka uandatspinkĩ jámani, ka no ma ambe jimboksĩ p'ingukuarhiati, sino no sési kámpinkĩ ka nóminduksĩ jaiapanhintani ambakiti ambe. [...] Uéki jimboksĩ teparakuarhini, ka sánderuksĩ uékaati tsípikuarhini pekaduni jimbo ka eska Diosĩni uékani” (2 Timoteo 3:1-4). Ísisti eskaksĩ méntkisĩ jarhaska i jarhati k'uiripuecha, peru no xáni uánikua eska iásĩ.

Íksĩ profesiauecha 1914 jimbo uénaspti kumplirikuarhini. Asta jamberi, máru inbestigadoricha, politikuecha ka kararichaksĩ májkueni eratsisĩndi eska parhakupini mójtakurhiska ima uéxurhini uératini. Por ejemplu, inbestigadori danés Peter Munch karaspti: “Enga uénapka guerra 1914, uánikua ambe mójtakurhispti k'uiripueri irekuarhu. Tiempu ma jimbo engá ambakiti ambe uérani japka, [...] uénaspkachi irekani tiempu ma jimbo engá no sési janhaskuarhipka,

chétapu ambe jarhani ka kurhunhperakua, lugari ma nani engá no nema seguru irekaka”.

Peru ístu jarhasti ambakiti ambe. Nájkiruka xáni no sési jánhaskuarini jaka, niáraati sési jánhaskuarhintani. Ima mínda engachi uandakia, xarhatasĩndi eska nóteru ióndani Tata Diosĩri Reinu interu Parhakupini juramuni jauakia. Tata Jesukristu ístu ari mínda uandaspti engá ambakiti ambeka: “I ambakiti aianhperakua Diosĩri juramukueri, aianhpinhaati iápuru parhakupinirhu paraka iápuru anapu k'uiripuecha mítitinkĩ jauaka, ka jimajkani k'amaraati i tiempu” (Mateu 24:14).

I ambakiti aianhperakua, jindesti jukaparhაკua ambe engachi uandantajka Jeobaeri testiguecha. Ísĩ jimbo, juchari rebista engá sánderu mítikateka, arhi-nhasĩndi *Aianhpiri*. Enga *Jeobaeri Reinueri ambe Uandantajka*. I rebista arhisĩndi iámindu ambe engá Tata Diosĩri Reinu úaka Echerirhu ka k'uiripuecha jimbo.

### ¿NÉNA UÉNA TATA DIOSĨRI REINU JURAMUNI PARHAKPINIRHU?

**Parachi úni mókuntani, ju je exeni t'amu ambe engá úkuarhiaka:**

1. Tata Diosĩri Reinu no úrauati parhakupini anapu politikuechani.
2. Parhakupinirhu anapu politikuechaksĩ no uékaati jurajkuni imecheri juramukuani ka uékaatiksĩ uarhiperani Tata Diosĩri Reinu jingoni (Salmo 2:2-9).



## JUKAPARHAKUA AMBE

JESUSIRI JORHENTPERHAKUECHAJTSĪNI JARHUATASĪNDI PARACHI  
AMBAKITI AMBE ÚNI. ENGACHI KURHAJCHASKA JESUSINI, MÁRKUCHI  
IREKAAKA KA PÍNANDIKUA JINGONI IMERI JURAMUKUARHU



### ¿AMBE ÚA TATA DIOSĪRI REINU?

Enga Jesusi Parhakpinirhu japka, úspti solu máru ambe engá úaka jiáni engá Reiuaka Tata Diosĭri Reinurhu. Tsinaaspti p'amenchati-chani ka imechani engaksĭ no úenga manakua-rhini (Mateu 4:23). Uánikuechani t'ireraaspti (Markus 6:35-44). Asta xarhataspti eska jat-sispka uinhapikua para sési péntani ambe ma engá no sési jánhaskuarhini japirin-ga (Markus 4:37-41).

Ka sánderu jukaparhakua ambe, Jesusi jo-rhendaspti k'uiripuni néna májku k'éri irekani ka pínandikua jingoni. K'uiripu kaxumbiticha engaksĭ újka ambe engá Jesusi uandajka, úsĭndiksĭ imani ambe úni engá úaka eskaksĭ tsĭpikua jingoni irekaaka para méntkisĭ Jesu-siri Juramukuarhu. Máteru jorhentpiri no úpi-rindi úni inde ambe. Exentaakajtsĭ máru imeri jorhentperhakuechani ixú engá ísĭ mítikateka komu Sermoni del Monte, engá Mateu kapitulu 5 a 7 jimbo jaka. P'imarhisĭngaksĭni parajtsĭ arhintani. Ambe engá arhijka fasili kurhangua-kuarhisti ka kánikua jukaparhakuesti. Seguru eskaksĭni mintsitarhu niárachia.



3. Tata Diosĩri Reinu jatsiati para k'ámajkuani gobiernuechani jimbokaksĩ uékaaka seguirini juramukua jatsini (Daniel 2:44; Janaskuecha 19:17-21). Ini últimu uarhiperakuani, Biblia arhisĩndi Armajedoni (Janaskuecha 16:14, 16).
4. Imecha engaksĩ uékaka jarhani Tata Diosĩri Reinurhu, tsípitiksĩ pakaraati Armajedonirhu ka irekaatiksĩ jimbanhi parhakupinirhu engu pínandikua jauaka. Biblia arhisĩndi eskaksĩ 'uánikua k'uiripuecha' jauaka (Janaskuecha 7:9, 10, 13, 14).

## ¿NÉNAKSĪNI MARHUACHIA CHÁŊKSĪNI TATA DIOSĪRI REINU?

Ma ambe engachi orheta uétarhinchajka parachi úni Tata Diosĩri Reinurhu jarhani, jindesti mítini Tata Diosĩni. Kómarhikua ma jimbo engu Jesusi úkupka Tata Diosĩni, uandaspti: "I jindesti tsípikua para méntkisĩ, eskaksĩni mítiaka t'unksĩni engari t'ujku jindeeka Diosĩ engari sési jimboeka, ka ístu Jesukristuni engari t'u axaka" (Juanu 17:3).

Mítini Tata Diosĩni, uánikua ambe jimbojtsĩni marhuachesĩndi. Ju je exeni tsimani ambe. Orheta, jarhuatasĩndijtsĩni parachi sánderu jakajkuni Tata Diosĩni. Inde jakajkua, engu úkuecha jimbo jupindaskuarhijka, úsĩndi eskachi jakajkuaka eska Tata Diosĩri Reinu meru jarhaska ka eska no iondani janoakia (Ebreu 11:1). Ka máteru ambe, úsĩndi eskachi sánderu xénchaaka Jeobani ka k'uiripuechani. Uékperakua Tata Diosĩni jimbo, úsĩndi eskachi mintsi-ta jingoni kurhajchaaka, ka uékaani k'uiripuechani, úsĩndi eskachi úaka ambe engu Jesusi uandapka: "Eskajtsĩ cha na uékajka eskaksĩni kámaaka k'uiripuecha, ístu kaa je cha imechani" (Lukas 6:31).

Ísi eska táti uékpiti ma, juchari Kuerajpiri sánderu ambakiti ambe uékasĩndi para jucha. Uékasĩndi eskachi jatsiaka ambe engu Biblia arhijka "tsípikua [para] méntkisĩ" (1 Timoteo 6:19). I irekua engachi irekani jaka no ambakiti irekua máesti. Para uánikua k'uiripuecha, úkua jukasti orhepani uérani. ¿Nénaeua ambakiti irekua? Ju je exeni máru ambakiti ambe engu úaka Tata Diosĩri Reinu k'uiripuecha jimbo.





Tata Dios'iri Reinu, úati eskachi seguru p'ikuarheraaka ka eska kánikua t'irekua jauaka.

## ÍSĪUATI AMBAKITI IREKUA


- “Ima jurhaticua jimbo, [o enga Jesusi juramuni jauaka] uániatiksī k'uiripu jurhimiticha, ka kánikua pínandikua jauati [...]. Ka uánikua k'uripuechani juramukuauati [...] asta jima enga sánderu iauanika parhakpinirhu” (Salmo 72:7, 8, 13, 14).
- Tata Diosi “úsindi eskaksī guerrecha k'amakurhiaka iámu parhakpinirhu. Kuarhakusindi arkuni ka kuarhakuni lansani” (Salmo 46:9).
- “Kánikua t'irekua jauati echerirhu; juátecharhu karakua, kánikua t'irekua jauati” (Salmo 72:16).
- “Úauatiksī k'umanchikuechani ka jimaksī irekaati; ka niáratiksī ubasī jatsikuni ka akuatiksī fruitani. Nóksī úati k'umanchikuani ka máteru nema irekani; nóksī jatsikuati ambe ma ka máteru nema akuni. [...] Juchiti erakukatechaksī marhuataati ambe engaksī úaka imecheri jájkicha jingoni” (Isaías 65:21, 22).
- “[Tata] Diosiri tiósta ixú jarhastia k'uiripuechani jingoni [...]. Ka Diosi kutsunharhikuauati iámindu uekua, ka nóteru jauatia uarhikua, ka ni uandanhiata, ka nóteru nema ueraati o p'amenchani, jimboka nitamaakia iámindu uénani anapu ambe” (Janaskuecha 21:3, 4).

# ¿MÉNISIJTSÍ KURHAMARHIKUARIKI?

- Engajtsíni Tata Diosí xénchajka, ¿andisí xáni íóni jurajkuni jaki eska jauaka no sési jásí ambe ka kómu nitamakua?
- ¿Andichisí úa seguru jarhani eska-chi últimu jurhiatikuechani jimbo irekaxaka i parhakpiniri?
- ¿Andichisí úa mintsikani eskaksí Bibliaeri aiatsperakuecha Tata Diosí Reinueri ambe niáraaka úkuarhini?
- ¿Úajtsíni jarhuatani Biblia parachi ambakiti ambe erakuni úni?

Juchari Kuerajpirijtsíni xénchasíndi ka jimbojtsínisí mókuchiantaajti ini kurhamarhikuechani ka máteruechani. Parajtsí exeantani mókunskuechani, exe je pájina Internetiri [www.jw.org](http://www.jw.org), enga úkata jaka para jarhuatani k'uiripuni Bibliaeri ambe jorhenguarhini.

Ini pájinarhu, jarhastiksí ánychikuarhitecha, karakatecha, audiuecha, bideuecha, uandontskuarhitecha ka uánikua máteru publikasionicha komu Biblia. lámindu i ambe gratisisti ka no ma kompromisu jingoni.



Késku je gratisi  
ini rebistani ka  
engaksí antesi  
uérika



Arhinta je Bibliani  
internetirhu;  
jarhasti jukari 200  
idiomecha jimbo

Exe je [jw.org](http://jw.org) o  
eskaniari je ini  
kodiguni



919.1-TRS  
220623